

丹江記程

特43

674

025533-000-3

特43-674

丹江記程

川口 鬻 / 著

M22

ADC-3021



特43

674

№23691/

22



江
記
泉



丹江記程

川口喬灌父著

丹州宮津爲吾宗家京極氏舊治。江州佐佐木莊宗祠之所在。先子嘗有趨二州撫軼蹟之志。而束於藩法不果。余幼而孤。及長。得聞先妣語而詳之。每追念至此。未嘗不欲成先志也。戊子七月。例賜暇。乃決意而往。

十六日。發東京。至橫濱港。駕船。

十七日。達半田港。汽車過尾濃二州。抵長濱。

十八日。將取路若州。逆旅主人謂。近者汽船往還於敦

蒲生製亭曰情
况宛然如經其
地

賀宮津二港。由此甚便。余欣然從之。至敦賀則會村
祭。不發船。乃轉入若州。宿小濱。若之爲州。山脉相延。
東西起伏。山間平地。田園如織。坡坨一帶。委蛇通路。
翠嶺丹崖。繡錯排置。流水自東來。一直一折。隱見于
山坡之側。秀麗明媚。極爲佳矚。每遇好處。問名村人。
皆曰。若狹之山。不知其名也。就舍。欲借圖經。曰。無。莫
怪。當年韓吏部。慇懃入境。問圖經。與黃莘田句意同
也。

十九日。買船而發。兩半島戴山起。自東西。左曰犬見。右
曰久須夜。船行中間。循左島而南。至高濱。上岸。過吉

阪。入丹後。憩舞鶴。慶長五年。吾侍從君高知爲丹後
國主。治田邊城。即此。及城廢。改今名。出舞鶴。一嶺當
道。迂行。由山左抵由良川。川入海處。曰由良港。港外
則由良戶。以曾禰好忠歌著。渡川得嶺。曰由良山。行
數里。抵波路嶺。入洞道。半里許。見天光始出。吉阪。由
良波路。曾峻嶺也。今也。土功新成。坦坦爲夷途。聞此
間石山帶土。所謂硯也。工師用火力劈山腹。高處自
爲石壁。低處自爲石岸。剗中間作道。一仍天然。故費
財少而收功大云。薄暮。達宮津。地負山臨海。東西半
里弱。南北二十町許。分爲三十四坊。本有藩城。今廢

屬京都府。置與謝郡署。元和中。侍從君新築城於此。臨卒。遺命移治。至孫從四位君高國。有故國除。今尋其舊物。獨有五六寺院耳。

二十日。見郡長陶不麻。告以來意。陶出示丹後志料。且令郡丞生形重祺作書。囑本妙國清大頂智源經王諸寺。得覽其所藏文書。據志料。本妙寺。有安智君高廣配壽光夫人墓。國清寺。安池田參議輝政靈牌。壽光夫人爲參議女。故祀智源寺。安智君爲妣。總持太夫人所建。又有其第三子下總守高治墓。他亦皆係京極氏香花院。吾五世祖考。實爲侍從君之孫。天和

岡鹿門曰京極氏領丹後提封若干嚴然國主而二百星霜寥落如此真可抵侗者况於子孫乎此篇宜附家譜後以傳子孫

中。卒於此土。而與下總守同諱。下總亦侍從君之孫也。因想智源寺文書。或有關吾家系者。乃至智源寺。會主僧不在。留守僧徒。僅出鬼簿示之。簿逐日列法謚。無及他事者。不足與家系相證也。舉一二問之。皆不能對。唯曰。寺主應以明月歸。歸則必將有可供覽者矣。余賜暇有期。不得信宿於此。心期再遊而去。其他諸寺。相距太近。歷問甚便。然皆無一文書足徵者。午下第三時。還寓館。人勸余遊天橋立。余謂此行所志不在山水。然橋立距此至近。曷知不爲侍從君之遺愛。乃倩小車往觀。橋立。又名日子岬。爲江尻村沙

鹽谷青山曰橋
立叙景未暇人
意

洲斗出海中。遠望之。一帶蒼松。橫斷海灣。似橋非橋。似堤非堤。呼舟而就之。松間有路。廣三四十間。上岸。車行一里強。至成相山麓。緣崖而登。乍得坪處。俯觀則橋立落於脚底。而宮津。而白岬。亦皆攢於目下。漸仰則由良之巔。舞鶴之港。在掌上。而若越諸山。連亘不斷。至敦賀港而窮矣。是爲與謝海。余久聞橋立之名。初從文殊村視之。不覺其奇何如。及登此山。極目所周。姿態百出。不可名狀。乃知其名于勝槩者。自與謝海全景而來矣。侍從君。分封二子於田邊與峯山。以爲維持宗國之圖。其或有所慮于此歟。下山小憩。

倭原路而歸。乍聞笛聲。度雲濤間。小奚報曰。汽船從敦賀來也。且言。船以晝來。以夜還。乃急裝行李。入船而臥。天明。已入敦賀港。

二十一日。朝發。飯長濱。舟行達彥根。車行入中山道。自清水鼻東折。將入佐々木莊。路漸俯。分爲兩岐。右則赭山隆起。矮松疎生。問之。安土城址也。左則樹林蔥蒨。別作一域。沙沙貴祠也。疾走入門。奧邃幽寂。殿宇朴而不華。使人肅然起敬。依祠官佐佐木定雄奉幣。祠祀少彥名神。傳言。神被鷓鴣筆降於此。故名地曰鷓鴣。建祠曰鷓鴣大神。後合祀以大鷓鴣天皇。列聖

孫君異曰六朝
名句

鹿門曰此佐佐木本姓之所因可以補氏族志

崇敬不絕。式部卿親王敦實之孫贈內府公扶義。以宇多帝及親王配焉。蓋宇多降誕。鷓鴣入御座。親王將生。亦有此瑞。公以宇多源氏宗子治本州。兼掌祀事。故奏請配饗二神。以爲宗祠。稱佐佐木四神。佐佐木與沙沙貴。皆鷓鴣之訓語也。或言舊祀大彥命。內府公以四神配之也。公姪兵庫頭君成賴。亦以州守掌祀事。兼總六州兵士。築織山城而居之。始以佐佐木爲氏。至孫兵部大輔君經方。分其職。以三子次郎行定爲祠官。懼所掌多端。事神有所不至也。長子式部大輔君季定。承後。傳弟源三君秀義。源三君佐源

小山春山曰是一篇精采之處

右將有功。子孫世襲州守護。後分爲六角京極二氏。各領六郡。次郎子孫亦世奉職。今祠官實其二十餘世。孫云。余過阪田犬上。愛知蒲生諸郡。俯仰顧眄。回憶二氏之盛時。不堪戀戀。又傷永祿天正間。干戈亂離之秋。不能無怨於安土氏與淺井氏也。已而拜祠。見廟宇永存。佐佐木氏子孫居此土。奉祀不息。又望安土氏廢墟。則爲狐兔鼯鼯之所窟宅矣。咫尺之間。榮辱相反如此。可以爲京極氏慶之。况同宗受爵事朝。今多其人乎。日已晚。回車還彥根。夜半發船。二十二日曉。抵長濱。坐睡待白而發。宿名古屋。

二十三日詣大運寺展先妣墓。途遇友人滋賀縣學教
官浦井信言。將以暑假歸鄉。至此因約同發。所謂久
旱逢初雨。他鄉遇舊知者。真佳適也。是夕風雨頗烈。
二十四日。益暴。不能發。至晚放霽。名古屋控訴院書記
官阪本敏。本同寮。招余及浦井小飲。酒半。談及橋立
事。誦其曾遊詩。云。霏微烟雨濕征鞍。猶辨天橋灘一
灘。匹似良家端正女。澹粧隔着繡簾看。主人善詩如
此。而不遇霽景。余飽弄晴色。則筆不能盡意。境遇雖
異。所憾相同。迄晚罷散。

二十五日至四日市搭船。

二十六日歸京。拜先子墓於永心寺。先子於五十年前
不能果此行。今余乃繼其志。誠聖代之餘恩也哉。
附遊詩

小濱

君不見若州之水白滂浩。若州之山碧崔嵬。積翠層
嵐看不盡。人烟遙起古城隈。維昔京公鎮此國。實爲
吾丹侯之伯。古塔影寒三百年。俯仰山水拜遺德。輪
船今朝不載人。車行百里天始昏。莫是先子靈爽靈。
導吾行路宿小濱。

舟發小濱

村山拙軒曰起
手似坡仙

海水波平碧似湖。輕舟容與午風徐。釣竿絲斷漁夫
譟。潑刺跳過馬脊魚。

由良門

臨水樓臺暮色新。華燈點點照烟津。海門開處崩聲
斷。誰是曾禰歌裏人。

宮津

隔水烟巒霽色開。宮津街上獨徘徊。欲將地誌探名
勝。先買天橋圖一枚。

天橋立

大江生野路彎環。晚到天橋始解鞍。忽憶賢娥思父

詠。未看一紙報平安。

沙沙貴祠

少彥披羽氅。降居大江涓。濟生德可祀。廟號娑娑岐。
於皇宇多帝。德與仁皇齊。王子誰克肖。有鷦鷯御兒。
少彥呈祥瑞。臨誕神鳥飛。遂分其靈座。赫赫四神祠。
皇孫賜源姓。祭祀世尸之。列朝幣不絕。威靈日赫輝。
烈文元弘主。奉劍此虔祈。尤武源右將。揭額仰神威。
茲及元天亂。逆臣侮神祇。殿屋肆毀壞。寶劍賊手隨。
亂定人益敬。修葺復舊規。而後三百載。禮祭常不衰。
敬神與愛國。實開中興基。若何歲時事。不與官幣儀。

雖松塘曰不假
雕鏤不費摸擬
自然得之是詩
之以古樸勝者

君異曰大作與
到筆隨順有自

吁吾源氏裔。懷古雙淚垂。蘋蘩表明信。拜罷不忍辭。
重野成齋曰。文有關涉于京極佐佐木氏之故。不
以尋常游記視之。

春山曰。余讀之。始知君爲名族之裔。雖今也。昌平
由道路之便。千里展省。能了先志。孝思儼然。先君
之靈。地下之喜可知矣。

君異曰。洋洋灑灑。縱筆直書。叙景則典實而不蹈
於空。論古則俯仰而別寄其慨。初讀之。似零碎日
記冊。及細按之。則有起結應伏收束完密。傑作也。

明治二十二年十二月五日印刷
明治二十二年十二月六日出版

神田區駿河臺南甲賀町九番地

著述者
兼發行人

川口 嵩

麻布區三河臺町十三番地

印刷人 吉村多吉

